

su škleńčeńnje załožili. Nimo Dubrawki namaka so šula w Ceřsku a Friedrichshainje. Po swědčenju Dubrawskeho wučerja Wawriški, kiž bě po rodže (rodź. z Rowneje p. Komorowa) a wurjekowanju Serb, řeči w Dubrawcy lědma 25 cyle starych ludźi hišće serbski, 40 lět stari ludžo njerozumja pak pječa wjacy serbski; runje tak je w Ceřsku a Šisej; w poslednišej wjesy staj hišće 2 hospodarjej serbskaj, jich džěci pak tež hižo maćeńneje řeče wjacy móčne njejsu; tola zdadža so mi tute powěsće trochu přehnate, hdyž tule wosadu přirunam z druhimi susodnymi a podobno postajenymi a z datami wo přestaću serbskeje řeče w šuli a cyrkwi, kotrež mi wón poda; po nich je serbska wučba we wosadnych šulach wokoło lěta 1850 do cyła zastała a serbske předowanje je k rowu šło ze smjerću fararja Basta (Basto † 1860), kiž bě tola hišće trójcy wob lěto, mjenujcy kóždy přeni dzeń róčnych časow popołdnu serbski předował abo, kaž mi něchtó druhi dopraji, serbske předowanje, kotrež je sebi dał wudžělać, předčitał bjez toho, zo by słowčko tutoho předowanja rozumił. W Ceřsku samym spowědźichu mi ludžo, zo wot dorostłych mjez nimi hišće mnozy serbski rozumja a zdžěla tež řeča, wot młódšich pak nichtó; a po swědčenju němskeho fararja w Syjku powěda w Šisej wot starych ludźi hišće wjetši džěl serbski, džěci pak skoro ani njerozumja.

XXXI. Zdžarowska wosada.

Tuta wosada, kiž k sewjeru wot Mužakowa při řecy Nysy leži, wobstoi z Wulkich a Małych Zdžarow (Gr. u. Kl. Särchen) a Třeplina (Tschöpeln). Zajimawe su w Zdžarach za starožitnosćeri rozpadanki wulkeho stareho hroda na hórcy při řecy ležaceho. — Serbstwo je tu hižo před 50 lětami do cyła wotemrěło; nadrobniše powěsće namakaju so w tamnišich cyrkwinskih knihach, do kotrychž je zapisana wotmołwa, podata w l. 1826 wot tehdušeho fararja na naprašowanje knježeřstwa. Hač do smjerće fararja Magna Benjamina Krygarja w l. 1754 je so w cyrkwi serbscy předowało, a bě tehdy hišće wosada cyle serbska. Na to pak wuzwoli sebi wona tehdomnišeho kantora w Trjebulach, Jana Gottloba Fechnera, runjež serbski njerozumješe — pječa, dokelž bě so jej w času swojeho vikariatstwa wuprózdnjeneho